



**Ministarstvo za ljudska prava i izbjeglice Bosne i Hercegovine  
Agencija za ravnopravnost spolova Bosne i Hercegovine**

Na osnovu Posebnog sporazuma između Vijeća ministara Bosne i Hercegovine, koje zastupa Ministarstvo za ljudska prava i izbjeglice Bosne i Hercegovine i Švedske, koju zastupa Švedska agencija za međunarodni razvoj i saradnju (SIDA), za podršku provođenju programa FIGAP II (2017 – 2021) i Supsidijarnog sporazuma između Ministarstva za ljudska prava i izbjeglice Bosne i Hercegovine, Gender centra – Centara za jednakost i ravnopravnost spolova Republike Srpske i Gender Centra Federacije Bosne i Hercegovine, te Pravila o organizaciji i radu FIGAP II Programa, a u skladu sa Godišnjim planom rada FIGAP II Programa za 2020. godinu, Agencija za ravnopravnost spolova Bosne i Hercegovine, Ministarstva za ljudska prava i izbjeglice Bosne i Hercegovine, objavljuje:

**JAVNI POZIV**

**za podnošenje prijedloga projekata za dodjelu sredstava nevladinim organizacijama i drugim organizacijama civilnog društva (vaninstitucionalnim partnerima FIGAP II programa) koji će biti finansirani iz sredstava FIGAP II programa**

**O programu FIGAP II**

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH (ARS BiH, MLJPI) u saradnji sa Gender Centrom Federacije Bosne i Hercegovine (GC FBiH) i Gender centrom Republike Srpske (GC RS), izradila je Finansijski instrument za provedbu Gender akcionog plana Bosne i Hercegovine - FIGAP II program (2018 – 2021), kako bi osigurala sredstva za provedbu Gender akcionog plana Bosne i Hercegovine 2018-2022 (GAP BiH). Cilj FIGAP II programa je da osigura finansijsku podršku institucijama Bosne i Hercegovine, Republike Srpske i Federacije Bosne i Hercegovine, kao i nevladinim organizacijama za provođenje aktivnosti s ciljem unaprjeđenja socio-ekonomskih uslova za muškarce i žene, djevojčice i dječake u Bosni i Hercegovini. Finansijsku podršku za provođenje FIGAP II programa osigurala je Švedska agencija za međunarodni razvoj i saradnju (SIDA) putem Posebnog sporazuma za podršku provođenju Programa FIGAP II potpisanog sa Ministarstvom za ljudska prava i izbjeglice Bosne i Hercegovine.

U okviru odobrenog budžeta FIGAP II programa za ovaj javni poziv osigurana su grant sredstva u iznosu od 15.000,00 KM koja su namijenjena za projekte nevladinih organizacija (vaninstitucionalnih partnera) po prioritarnim oblastima GAP BiH/FIGAP II. Grant sredstva se dodjeljuju u skladu sa **Priručnikom za dodjelu sredstava/grantova** u okviru FIGAP II programa, koji je integralni dio navedenog Posebnog sporazuma. Priručnik sadrži **Smjernice za izradu**

projektnih prijedloga i kriterija za dodjelu projekata koji se finansiraju iz FIGAP II programa i Prijavni obrazac za projektne prijedloge vaninstitucionalnih partnera.

**Naziv granta: Grant sredstva nevladinim organizacijama za projekte u prioritetnoj oblasti GAP BiH: Javni život i donošenje odluka**

**Namjena granta** je podrška nevladinim organizacijama za projekte koji doprinose postizanju ravnopravne zastupljenosti spolova u kreiranju politika i donošenju odluka na svim nivoima organiziranja vlasti u Bosni i Hercegovini.

Grant sredstvima će biti podržani projekti koji su usmjereni **na praćenje predizbornih kampanja političkih subjekata** za Lokalne izbore 2020. godine, kroz prizmu rodne ravnopravnosti (strateški cilj 1 GAP BiH).

**Projektni zadatak** za finansiranje iz granta:

- Praćenje predizbornih kampanja, kojim treba obuhvatiti sljedeće:
  - o Javne istupe u bh. medijima (javnim i privatnim medijima, uključujući i lokalne) **kandidatkinja i kandidata** za opštinska vijeća/skupštine opština i načelnike opština
  - o Medijske i druge javne istupe **stranačkih lidera i visokopozicioniranih stranačkih funkcionerki/funkcionera** u kontekstu predizborne kampanje za Lokalne izbore 2020
  - o **Plaćene reklame, plakate, bilborde, brošure-letke**, koje će politički subjekti (političke partije ili nezavisne kandidatkinje/kandidati) plasirati u javnim glasilima, isticati na javnim mjestima ili distribuirati u lokalnim zajednicama
- Potrebno je detektovati da li predizborne kampanje uključuju temu ravnopravnosti spolova sa posebnim osvrtom na dvije oblasti:
  - o Prevencija i zaštita od nasilja na osnovu spola
  - o Programi/ideje koje doprinose ekonomskom osnaživanju žena
  - o Veća zastupljenost i učešće žena na mjestima odlučivanja
- Zastupljenost ovih tema potrebno pratiti pojavljivanjem *ovih ili sličnih ključnih riječi u izjavama/govorajavnim nastupima*: „ravnopravnost spolova“, „porodično nasilje“, „rodno zasnovano nasilje, odnosno nasilja na osnovu spola“, „sigurne kuće“, „žrtve rodno zasnovanog nasilja“, „radna mjesta za žene“, „valoriziranje neplaćenog rada žena u domaćinstvu“, „više žena u politici“, „više žena na mjestima odlučivanja“, „ravnopravno učešće žena“. Zastupljenost pratiti na sljedeći način:
  - o Pominjanjem ključnih riječi u odnosu na ukupno vremensko trajanje (minutažu) date izjave/govora/javnog nastupa
  - o Zastupljenost ključnih riječi u pisanim materijalima (brošure, leci, reklame)
- Praćenjem je potrebno obuhvatiti najmanje 30 opština (15 u FBiH i 15 u RS), s tim da u svakom entitetu trećina promatranih opština budu manje (do 10 000 stanovnika), trećina srednje (do 50 000 stanovnika) i trećina velike (preko 50 000 stanovnika)
- U svakoj od predviđenih lokalnih zajednica bit će praćena predizborna kampanja:
  - o namjanje tri kandidati/kandidatkinjekandidata/kinje za načelnike/ce (najmanje tri)

- najmanje tri kandidatkinje/kandidata za opštinska vijeća / skupštine opštine.
- Praćenje i monitoring će biti provedeni na sljedeći način:
  - jedan grant (7.500,00 KM) za praćenje kampanje za lokalne izbore na teritoriji Federacije Bosne i Hercegovine
  - jedan grant (7.500,00 KM) za praćenje kampanje za lokalne izbore na teritoriji Republike Srpske
- Finalni izvještaji i monitoringu kampanje će uključivati sljedeće informacije:
  - ime kandidatkinje/kandidata,
  - vremensko trajanje svake pojedinačne izjave/govora/javnog nastupa,
  - vrijeme i mjesto emitovanja/davanja izjave/govora/javnog nastupa,
  - vrsta pisanog materijala (brošura, letak, plakat, bilbord i sl.),
  - broj/učestalost pojavljivanja neke od ključnih riječi.
- Finalne izvještaje strukturirati po kandidatima/kandidatkinjama i po opštinama/općinama.

Očekivani period realizacije projekta je 1. oktobar – 04. decembar, 2020. godine.

#### **Kriteriji za odabir projekta/projekata**

Sljedeći kriteriji se koriste pri evaluaciji prijedloga projekata i oni predstavljaju i smjernice za definiranje glavnog i posebnih ciljeva prijedloga projekta:

- Projekat će doprinijeti sistemskoj održivosti rezultata GAP BiH 2018-2022.
- NVO ima iskustvo u monitoringu političkih kampanja
- Jasno izložena metodologija za prikupljanje podataka i analizu nalaza
- Iskustvo i/ili opredijeljenost za rad u oblasti ravnopravnosti spolova.
- Postojanje saradnje i partnerstva sa gender institucionalnim mehanizmima u BiH.
- Razvijanje institucionalne i vaninstitucionalne saradnje i partnerstva (između institucija i NVOa) na unapređenju ravnopravnosti spolova.

#### **Pravo na podnošenje projektnog prijedloga**

Na ovaj poziv se mogu prijaviti nevladine i druge organizacije civilnog društva registrovane u skladu sa važećim propisima u Bosni i Hercegovini. Projektni prijedlozi će biti uzeti u obzir za finansiranje ako nevladina organizacija (vaninstitucionalni partner) zadovoljava sljedeće opšte uslove:

- Vaninstitucionalni partner je upisan u sudski registar ili drugi registar prema važećim zakonima;
- Vaninstitucionalni partner djeluje u oblasti ravnopravnosti spolova i/ili zaštite ženskih ljudskih prava, ili u okviru djelatnosti postoji prostor za promovisanje i primjenu standarda ravnopravnosti spolova (cijeni se na osnovu statuta i drugih akata vaninstitucionalnog partnera);
- Vaninstitucionalni partner ima ljudske i materijalne resurse za provedbu prijavljenog projekta;
- Vaninstitucionalni partner ne obavlja poslove iz djelokruga tijela javne uprave;
- Vaninstitucionalni partner vodi transparentno finansijsko poslovanje;

- Djelatnost vaninstitucionalnog partnera nije finansirana posebnim propisima i ne finansira se u cijelosti iz drugih izvora.

Sredstva **se neće** dodjeljivati vaninstitucionalnim partnerima čija se djelatnost finansira po posebnim propisima, ogranci, podružnice i slični organizacioni oblici, strukovna udruženja, udruženja čiji je osnivač politička stranka.

**Ukupan iznos raspoloživih sredstava** za ovaj javni poziv je 15.000,00 KM. Dodjeljuju se dva granta po 7.500,00 KM.

### **Dokumentacija i način podnošenja projektnih prijedloga**

Vaninstitucionalni partneri su dužni da prilože sljedeću dokumentaciju:

- Ovjeren i potpisan obrazac za prijavu projekta sa budžetom (koji je u prilogu Priručnika za dodjelu sredstava/grantova);
- Izvod iz sudskog registra ili drugog registra, ne stariji od 6 mjeseci;
- Potvrda o poreskoj registraciji (JIB);
- Dokaz o izmirenim porezima za prethodnu godinu;
- Kopija ugovora sa bankom o otvaranju transakcionog računa;
- Kopija Statuta ili akta o osnivanju;
- CV projektnog tima (svake osobe pojedinačno);
- Narativni izvještaj o radu vaninstitucionalnog partnera za prethodnu godinu;
- Bilansa stanja i Bilansa uspjeha za prethodnu godinu;
- Izjava o partnerstvu potpisana i ovjerena od strane svih partnera u projektu;
- Pismo namjere ili Odluka o finansijskoj podršci drugih donatora za sufinansiranje projekta.

Vaninstitucionalni partneri su dužni da prilože ovjerene kopije i/ili originale navedene dokumentacije. Projektni prijedlozi se podnose isključivo putem **Prijavnog obrasca za projektne prijedloge vaninstitucionalnih partnera FIGAP II Programa**, koji je sastavni dio Priručnika za dodjelu sredstava/grantova u okviru FIGAP II Programa. Projektni prijedlozi moraju biti podneseni na jednom od jezika u zvaničnoj upotrebi u Bosni i Hercegovini. Svi listovi moraju biti čvrsto uvezani, sa označenim stranicama. Svi listovi moraju biti parafirani ili potpisani od osobe, odnosno osoba koje su ovlaštene da zastupaju podnosioca projekta.

Projektni prijedlozi se dostavljaju u skladu sa projektnom dokumentacijom i moraju biti računarski obrađeni i projekat mora biti dostavljen u i elektronskoj formi (CD). Prijedlog projekta se dostavlja u štampanom obliku u originalu i dvije (2) kopije, na kojima će jasno pisati: "ORIGINAL PROJEKTA" i "KOPIJA PROJEKTA". CD se dostavlja u koverti sa originalom. Original projekta i kopije trebaju biti zapečaćeni u neprovidnoj koverti, sa pečatom ili potpisom, imenom i adresom podnosioca, na kojoj će stajati: „PRIJEDLOG PROJEKTA ZA FIGAP II PROGRAM – NE OTVARATI”.

Projektni prijedlozi se dostavljaju lično ili putem pošte na adresu:

**Ministarstvo za ljudska prava i izbjeglice BiH,  
Agencije za ravnopravnost spolova BiH,  
Dubrovačka 6, 71000 Sarajevo**

tokom radnih dana (ponedeljak – petak, od 10h do 16h), najkasnije 21 dan od objave na web stranici Ministarstva

**Svi prijedlozi koji budu dostavljeni nakon ovog datuma neće biti razmatrani uključujući i prijedloge koji budu dostavljeni poštom nakon tog datuma.**

Sva potrebna dokumentacija kao i dodatne informacije se mogu pronaći na web stranici Agencije za ravnopravnost spolova BiH, Ministarstva za ljudska prava i izbjeglice <https://arsbih.gov.ba/>, na web stranici Ministarstva za ljudska prava i izbjeglice Bosne i Hercegovine <http://www.mhrr.gov.ba/> te se također mogu preuzeti u prostorijama Agencije, ulica Dubrovačka 6, 71000 Sarajevo.

Broj: 10-37-2-1628/20

Datum: 31.08.2020.

